

### 伯公个煩惱

姊：伯公伯婆無𦍋雞無𦍋鵝，𦍋隻鴨仔像匹婆，豬肉料像楊桃……

妹：ㄟ、ㄟ、ㄟ、阿真姊，打早心情就恁好，在該唱歌仔。

姊：係呀！□等加下愛跣阿婆共下拜伯公，□想愛唱條歌仔分伯公聽。

妹：呵呵！笑死人囉！拜伯公用唱歌仔，□還第一擺聽到用唱歌仔來拜爺。

姊：叮啗妹，我講你啊！像井肚个□仔無知識乜愛有常識，這下个時代無共樣咧。

妹：奈位無共樣？無論時代仰般變，這初一、十五抑或初二、十六拜伯公係傳統，無成愛改日仔？

姊：正毋係哪！麼个改日仔，□問你，除忒這初一、十五以外，你幾時會去拜伯公？

妹：嗯 …過年過節啊！還過阿爸買新車、阿姐考大學、阿姑降細人、阿叔愛討舖娘，全愛去摺伯公報告，拜託伯公保佑。

姊：我再攞問你：你準備麼个東西去拜伯公？

妹：三牲果子餅仔這兜阿！總講一句，準備越多越誠意。

姊：□摺你講這就係伯公這下當煩惱的事情。

妹：煩惱？？□想無出伯公還有麼个好愁个？無成伯公嫌食忒飽？

姊：ㄟㄟ你總算有較精兜仔，現下个社會，愛買東西盡方便，所以大家都想愛準備到較豐沛兜仔，希望伯公食到歡喜，好好庇佑大家。

妹：恁樣當好阿！伯公食到歡喜，大家又受到伯公个保佑，家家平安又賺錢，還有麼个好愁个？

姊：就係大家恁有心，伯公敗勢打爽大家準備个東西，逐擺都煞猛食，食到一隻肚屎肚臃像□仔樣。

妹：老古人講：「頭大面四方，肚大好才郎」恁樣當好阿！

姊：□偷偷仔摺你講：「伯公驚三高」

妹：山歌！麼个山歌？

姊：毋係哪！係「三高」

妹：奈三高？

姊：高血壓、高血糖、高血脂

妹：喔——□知咧！有這三高个人，就容易有糖尿病，擷腦筋該兜毛病，實在愛細義，所以 俚拜伯公做得換水果也係靚靚个花，伯公一定當歡喜。

姊：□摻你講：伯公還有另外一項煩惱。

妹：除忒三高還有？

姊：有！還有一項。

妹：係麼个？□全看毋出來。

姊：你還記得台北行天宮有一項宗教界个創舉。

妹：係毋係摻香爐收起來，希望大家「以心香取代線香」「以虔誠个心取代供品」

姊：對！對！對！無燒香不只對環境好，對身體个健康也當有幫助。

妹：該你个意思係伯公也係希望大家少用金、香，多用心香來拜係無？

姊：□話到你係「大目新娘看灶頭毋到」，無想到你恁精阿！

妹：你莫笑□胥疏，□也莫笑你米碎。伯公个煩惱 也做得□手啊！

姊：仰般□手啊？

妹：從 个生活當中做起呀！你等下毋係愛去拜伯公？

姊：係啊！

妹：該就莫燒金香，用虔誠个心來拜，假使大家都願意恁樣做，伯公就毋使愁。煩惱也會少一息仔。

合：伯公伯公毋使愁，金香銀紙減量燒，保護環境共下做，大家健康哈哈笑

下台一鞠躬，承蒙大家